

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 53. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 46. sjednici, održanoj dana 03.03.2020. godine, d o n o s i

ZAKLJUČAK

o usvajanju Izvještaja o realizaciji Programa utroška sredstava za uređenje poljoprivrednog zemljišta u 2019. godini

I.

Usvaja se Izvještaj o realizaciji Programa utroška sredstava za uređenje poljoprivrednog zemljišta u 2019. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02-_____/20
Datum, 03.03.2020. godine
Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.



**BOSNA I HERCEGOVINA
FEDERACIJA BOSNE I HERCEGOVINE**

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

IZVJEŠTAJ
*o realizaciji Programa utroška sredstava
za uređenje poljoprivrednog zemljišta u 2019.godini*

Zenica, februar 2020. godine

IZVJEŠTAJ
O REALIZACIJI PROGRAMA UTROŠKA SREDSTAVA ZA UREĐENJE
POLJOPRIVREDNOG ZEMLJIŠTA U 2019. GODINI

Program utroška sredstava za uređenje poljoprivrednog zemljišta u 2019. godini, Vlada Zeničko-dobojskog kantona usvojila je Zaključkom broj: 02-14-7729/19 od 07.05.2019 godine.

Ministarstvo za poljoprivredu, šumarstvo i vodoprivredu izradilo je Uputstvo o korištenju sredstva za uređenje poljoprivrednog zemljišta za promjenu namjene poljoprivrednog zemljišta, broj: 02-14-7729-1/19 od 30.05.2019. godine (u daljem tekstu: Uputstvo) koje je objavljeno na službenoj stranici Zeničko-dobojskog kantona, a u dnevnim novinama „Dnevni Avaz“ Sarajevo i „Oslobođenje“ Sarajevo dana 10.06.2019.godine objavljen je Javni poziv za potencijalne korisnike u skladu sa usvojenim Programom.

U Budžetu Zeničko-dobojskog kantona za 2019.godinu ("Službene novine Zeničko-dobojskog kantona", broj: 3/19), u razdjelu 23, budžetska organizacija 01, potrošačka jedinica 0001, ekonomski kod 614 400, NAD 404, pozicija "Finansiranje projekata iz sredstava za pretvaranje poljoprivrednog zemljišta u nepoljoprivredno zemljište", utvrđen je iznos od 1.000.000,00 KM (slovima: jedanmilijon konvertibilnih maraka).

Pravo na korištenje sredstava po ovom Programu imaju pravna i fizička lica, vlasnici poljoprivrednog zemljišta sa područja ovog Kantona, koji ispunjavaju propisane kriterije iz Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15), Programa utroška sredstava za uređenje poljoprivrednog zemljišta u 2019.godini i Uputstva.

Sredstva od 1.000.000,00 KM koja su planirana po Programu utroška sredstava za uređenje poljoprivrednog zemljišta u 2019. godini, u izvještajnom periodu realizovana su sa 5,0%.

Red br.	NAZIV PROGRAMA	Odobrena sredstva po programu (KM)	Realizovana sredstva (KM)
1	Program utroška sredstava za uređenje poljoprivrednog zemljišta u 2019. godini	1.000.000,00	50.561,00
	UKUPNO :	1.000.000,00	50.561,00

Na Javni poziv dostavljeno je ukupno 6 zahtjeva od kojih su 3 zahtjeva ispunjavala kriterije prema Javnom pozivu, Programu i Uputstvu. Rješenjem ministra broj: 05-24-11804-4/19 od 16.09.2019. godine, broj: 05-24-11804-7/19 od 16.09.2019. godine i broj:05-24-

11804-5/19 od 16.09.2019. godine imenovane su Stručne komisije za ocjenu potrebnih i ocjenu provedenih mjera uređenja poljoprivrednog zemljišta. Komisije su formirane u skladu sa Odlukom o korištenju sredstava prikupljenih od naknada za promjenu namjene poljoprivrednog zemljišta i Uputstvom, a sastavljene su od stručnih predstavnika Ministarstva (dva člana) i stručnih predstavnika općina/grada u kojima se realizuju zahtjevi (dva člana). Komisije su obavile nulti i kontrolni pregled na parcelama koje su kandidovane za uređenje, te su sačinile nulte i kontrolne zapisnike, izvršila su ocjenjivanje i bodovanje provedenih mjera, shodno Uputstvu na osnovu čega je utvrđen prijedlog iznosa sredstava koji se odobravaju za uređenje zemljišta.

Broj kandidata koji su ispunili uslove za uređenje poljoprivrednog zemljišta	Uređena površina (ha)	Realizovana sredstva (KM)
3	11,67	50.561,00

Postignuti efekti korištenja sredstava za uređenje poljoprivrednog zemljišta:

- povećanje nivoa poljoprivredne proizvodnje;
- očuvanje poljoprivrednog zemljišta od promjene namjene u narednih 10 godina;
- omogućavanje ekonomičnijeg pokretanja poljoprivredne proizvodnje;
- namjensko korištenje poljoprivrednog zemljišta;
- poboljšanje strukture zemljišta, fizičkih, hemijskih i bioloških osobina zemljišta;
- sprečavanje erozija kao posebnog odnošenja zemljišta;
- povećanje površina obradivog poljoprivrednog zemljišta;
- smanjenje površina neobradivog poljoprivrednog zemljišta;
- smanjenje površina i uređenje zapuštenog poljoprivrednog zemljišta, koje je zakorovljeno i obraslo samoniklim rastinjem.

MINISTAR

Mirnes Bašić

Izvještaj sačinio: Bečić Hajrudin